



Broj: UP-060-08/2

29. maj 2019.

Na osnovu člana 30 stav 5 Zakona o slobodnom pristupu informacijama ("Službeni list CG", broj 44/12 i 30/17), a rješavajući po zahtjevu za slobodan pristup informacijama Centra za razvoj nevladinih organizacija, br. 96/19-2 od 06. maja 2019. godine, ministarka nauke donosi

RJEŠENJE

Odbija se zahtjev za slobodan pristup informacijama Centra za razvoj nevladinih organizacija, br. 96/19-2 od 06. maja 2019. godine kao neosnovan.

Obrazloženje

Ministarstvo nauke je dana 14. maja 2019. godine primilo zahtjev Centra za razvoj nevladinih organizacija, br. 96/19-2 od 06. maja 2019. godine, kojim je tražen pristup sljedećim informacijama:

1. Kopijama Javnih poziva nevladinim organizacijama za predlaganje predstavnika u radnom tijelu u periodu od 06.07.2018 do 31.12.2018 i web linkovima na kojima su ti pozivi objavljeni.
2. Kopijama lista predstavnika nevladinih organizacija, sa nazivima nevladinih organizacija koje su ih predložile na osnovu poziva za predlaganje predstavnika nevladinih organizacija u radnom tijelu u periodu od 06.07.2018 do 31.12.2018 i web linkovima na kojima su te liste objavljene.
3. Kopijama odluka o izboru predstavnika nevladinih organizacija za člana radnog radnog tijela, odnosno kopijama akata o obrazovanju radnog tijela na osnovu objavljenih javnih poziva nevladinim organizacijama i lista kandidata koji su predloženi za članove radnog tijela u vremenskom periodu od 06.07.2018. do 31.12.2018. godine. i web linkovima na kojima su te odluke objavljene.

Postupajući po ovom zahtjevu, ovo ministarstvo nalazi da nije u posjedu traženih informacija, obzirom da, u navedenom periodu, nije objavilo nijedan javni poziv nevladinim organizacijama za predlaganje predstavnika u radnom tijelu. Stoga, na internet stranici Ministarstva nauke www.mna.gov.me se ne mogu naći gore tražene informacije, niti im može biti omogućen pristup.

Na osnovu člana 30 stav 5 Zakona o slobodnom pristupu informacijama, obzirom da su iznijeti jasni razlozi zbog kojih nije uvažen zahtjev, isti je valjalo odbiti kao neosnovan.

Na osnovu izloženog odlučeno je kao u dispozitivu Rješenja.

Protiv ovog Rješenja podnosilac zahtjeva može izjaviti žalbu Agenciji za zaštitu ličnih podataka i slobodan pristup informacijama, u roku od petnaest dana od dana dostavljanja rješenja.

MINISTARKA

dr Sanja Damjanović

Dostavljeno
-Podnosiocu zahtjeva
-a/a.



Sanja Damjanović